

V. C.
2531





ILLUSTRIS THALAMUS
SERENISSIMI AC CELSISSIMI PRINCIPIS
ET DOMINI
DN. CHRISTIANI ERNESTI,
Marchionis Brandeburgensis, Ducis Magdeburgensis,
Prusfiæ, Sterini Pomeranorum, Cassubiæ Vandalorum: in Silesiâ Crosnæ,
& Jägersdorffii: Burggravii Noribergensis: Principis
Halberstadii & Mindæ, &c.

ET

SERENISSIMÆ CELSISSIMÆq; PRINCIPIS-VIRGINIS
AC DOMINÆ
DNÆ ERDMUTH SOPHIÆ,
DUCIS SAX. JUL. CLIV. MONT.

Europææ NOBILITATIS DIVÆ Incomparabilis,
SERENISSIMI, AC POTENTISSIMI PRINCIPIS
ET DOMINI

DN. JOHANNIS GEORGII,
HJUS NOMENCLATURÆ SECUNDI,
DUCIS SAXONIÆ, Juliaci, Cliviæ Montiumq; Sacri
Romani Imperii Archimarschalli & Electoris, Landgravii Thuringiæ,
Marchionis Misniæ nec non Utriusq; Lusatia, Burggvavii Magde-
burgensis, Comitis Marca & Ravensburgi, Domini
in Ravenstein, &c.

UNICÆ FILIÆ,

Cum

SERENISSIMUS PRINCEPS-SPONSUS
magno apparatu Chemnitium;

Augustam petiturus Dresdam,
ingrederetur,

Humillimâ Veneratione
HONORATUS

A

SERENITATIS EJUS
Obsequiosissimo Cive & Subdito
Friderico Holtzmanno, SS. Theol. D.
Ecclesiæ Chemnicenf. P. & Superint.
Ejusq; Collegis.

CHEMNITII,

Typis JOHANNIS GABRIELIS GÜTNERI.





Rgò, *quem* dio jussu PIETATIS & ARTIS,
 Ingenuæ; Phœbo, Charisinq; volentibus Ipsis,
 Transvehit aureolis per Sidera FAMA veredis,
 Et *quem* deportat trans Tanara, transq; remotas
 Tethyos ambages, Atlanteosq; recessus
 GLORIA, & insculpsit Cedris vivacibus Eius
 Grande Decus: *quem* mente animi, *quemq;* au-
 ribus hausi,

Quemq; domi tacitus venerabar ab Indole Famæ,

CHRISTIAN-ERNESTUM: (solum quod Nomen ad instar
 Cœlitis eulogii) toties *quem* cernere votum,
 Spesq; mihi fuerat, FRANCUM quia NUMINE COELUM
 Implet, *quæ* sese BYRUTHUM & CULMINA BACCHI
 Extollunt, Cœlog, ostentat Norica Tellus,
 Et natale Solum, mea quod Cunabula vidit,
 MARCHIONUM Decus & pranobile Sidus inaurat;
 Tandem CHEMNITII, hîc ubi CHRISTI Ecclesia verbo
 Pascenda est, oculis his usurpare licebat.

Scilicet ILLE MEUS cùm dextris MARCHIO Tadas
 Auguriis astris subducto incenderet igne,
 Inque novo Flammam sentiret SAXONIS igne,
 Quem penitus, magis atq; magis traxere Medulla,
 His vidi præsentem oculis. (Ego Lumen utrumq;
 Testor, Spectâclum mihi visum haud pulcrius ullum.)
 Ibat enim PRINCEPS, patriâ Gente Inclutus HEROS
 Magno Equitum, Peditum numero, Currûmq; crepanti
 Circum-nube-datus: Procerum Confortia quaso
 Quanta aderant? En hîc SAXO comitatur Euntem
 Stipatus Divis, Aliis excelsior; illic
 Lætitiæ in partes it Nobilis Ordo Virorum:
 Magna minorq; Tribus: Musæ comitantur Euntes:
 Cuncta crepant, & cuncta sonant, & cuncta reclamant,
 Gratanturq; initum Charites, ninguntq; Rosarum
 Floribus, & Cypris, & Zephyrus Floræ ille Maritus.

Sparsa Dies meliore jubâ, caudamq; repexi
 Blandius elato surgunt temone Jugales,
 Solis Equili etiam sese agglomerante Caballis.

Flos

Flos Urbis pariter se festis induit Armis,
Cumq; Magistratu, plæbes jurata Clientum
SAXONI, stat devota animis, Juveniq; Seniq;
Omnibus iſdem animi; par est Concordia, par est
Gratandi obſeqvium: Juſſo PATRIS omnia parent,
Confeſtimq; cient documenta aſcetica pugna.
Ipa etiam PIETAS Templi de vertice ſpectat,
Atq; Aræ fumant votis precibusq; calentes.
Vox una eſt SALVE: SALVE VOX omnibus Una eſt.

Aſt quid Ego: PATRIAE cui cernere PRINCIPIS Ora
Contigit, ingenti qvi Mente & Pondere Senſûs
Utitur in CHRISTI Myſtas VERBIQ; MINISTROS?
Parvum, inquam, fuerit modò Cernere: Cernere multis
Eſt commune etiam: At, PRINCEPS ſi vota Clientis
Lumine dignetur clementi cernere, magnum eſt.
Hoc mea mens fatagit, Collegarumq; mereri
Geſtit idem punctum Biga. Hinc Muſâ auſpice malint
Sublimes cantare modos, niſi fortè Facultas
Deficeret cupidos, nec obefſet curta ſupellex.
Illuſtri Illuſtres ſcimus qvò Carmine digni,
Qvò noſtræ haud opis eſt: noſtrûm vel cuiſibet etſi
Nectat odoratas & Smyrna & Mantua Laurus.
Qvid dicam? qvid non dicam? qvæ Lemmata noſtros
Depingant ſenſus? præſtringunt Lumina mentem,
Qveis clares PRINCEPS, ſurgit qvâ Vesper & Eos.
Qvando tamen PIETAS PATRIAE, & TUA GLORIA Princeps
Me jubet, auſurus potius ſermone pedestri
Adrepam per humum, qvò cultu in tempore maſtem,
Et Genua HEROIS votivo carmine adorem,
Qvàm culpari: Animos rerum SPES ipſa feraces,
Et PATRIA INGENIUM dabit, & CLEMENTIA tanta
CHRISTIAN-ERNEſTI vires, in Imagine cuius
PALLADIS ARMATAE vivit cœleſtis Imago.
Nempe ſalutari & trepido pallore timeri
Eminûs expectant Alii: ſed Cominus ILLE,
Qvos aut Doctrinæ, aut Virtutis ſplendor honeſtat,
Affatu dignatur, & hæc quaſi propria Virtus,
Qvis dubitet parili qvin dignatura favore
Nos fiet? Excelfas Aquilas imitatur: at Illas
Terreſtri atq; humili non rarò colle federe,
Nec ſemper qvæ celfa adeò, captare videmus.
Haud timeas igitur Collegarum ordo referre

Verba Ducī, præit quæ nostra vicaria Lingva;
Et tutò refones, animat quæ nostra Thalia.

SCILICET hoc unum deêrat TIBI, Maxime PRINCEPS,
Princeps, qui Senium juvenili in Pectore condis.
Nam vix intuitus flammantia lumina Phœbi
Illicet appellas Phœbum, Phœbiq; Sorores
Vagitu, & blandas Charites, & Pallada doctam.
Pòst Tecum Pucro lallavit Gratia concors
Ingenua æternæ Mentis Præludia cernens,
Edoctusq; statim Sophiæ Themidosq; Magistris,
Quæ natum Alcmenâ docuit Rhodopeius Heros,
Et quæ Peliden fortem Phillyrius Heros,
Et quæ Magnus Alexander tenuit Doctore Stagira:
Mens imitata Polum nec iis contenta, calentes
Sole alio Terras invilere Pectora Sanguis
Pulsat adhuc, ardorq; ingens atq; Indolis altæ
Conscia Mens raros Naturæ rumpit in ausus
Per varias Populorum Oras & Mœnia rapta.
Unam collectum mundum es miratus in Urbem,
Quæ fabricata manu divinâ in tergora Nerei.
Parthenopen nôsti, docti quæ busta Maronis,
Magnos ante Duces qui scripsit, monte teguntur;
Atq; ubi Fabra Parens & rerum Perfica, causis
Ultrò suppressis, quàm plurima mira recludit:
Romæ miratus Patres, atq; Infula Patrum
Te mirata: potes proprii testamine visûs
Testari, quantum PETRO mutatus ab Illo
Dis PETRUS, & quanta malè Majestate feratur.
Dux Florentinus, quo nec florentior ullus,
Obstupuit Mentis dotes, & flammea Corda,
Ingeniumq; Tuum, quod habes maturius annis:
Quo quoq; non veritus Tibi Corda recludere Opesq;
Et Mediolanum Te Gallia Clara cis Alpes
Prolicuit. Namq; ingenio Tibi largior Alas
Sollicitè Natura dedit, quas Corpore demsit.
Vernacla hæud solum hinc potis es cognoscere Lingvâ,
Quæ dedit eloqvii Romani maximus Autor;
Sed quoq; scis voces audire idioma Lingvæ
Italica, Gallæq; & eodem reddere sensus.
Omnia si recitâsse velim, proh! quanta patefcunt
Æqvora! cui Laudi Pindus non sufficit unus.
Scilicet hoc, inquam, Tibi deêrat, maxime PRINCEPS,

Ut de

Ut de SAXONICA caperes TIBI GERMIN HONORUM
RUTA, quod fieret Thalami Pars, divaq; RUTAE
Sæcla propagaret, ceu CHEMNITIANA SEBEA
Autumat. Ingredere, Ingredere ocyus, Optime PRINCEPS:
Lux sperata oritur: quid Gaudia tanta moraris?
Cernis, ut ulvofum gelidis Caput exferat undis
ALBIS? Teutonidum Rector venerandus Aquarum,
Qui fors undeno de Fonte elabatur orto
Hercinii Montis fœtis radicibus, ALBIS,
Et pede proclivi properat de Fœdere Amorum
In Mundum immensum latè sua gaudia fundens.
Ingredere, ingredere, ô PRINCEPS, Tibi cuncta patefcunt:
Desuper aurimicis radiat plaga lucida Cœli,
Fratresq; Æolii, quorum sub Numine surgit
Tempeftas, claudunt resonantes carcere Ventos.

DRESDIAS, ENSIFERI Sedes fortiffima, quæ fe
Vallat aquâ, & celsâ folidi compagine muri,
Armipotens vibrat fulgentia viribus Arma,
Ut Tibi Principibus folitum quoq; reddat Honorem,
Et Tonitrus, mittitq; cavis è Molibus ignes,
Nec non sulphureo fumantem turbine cannis
Exturbat Sclopum, Fulmenq; imitatur Olympi,
QVO Cœlum HEROEM Cœli de femine honorat.

MARCHIO SPONSUS adest; plenis occurrite Portis,
Atq; novum unanimi Pœanem pangite voce:
Dixit; & ambrosiâ corpus reverenter inungit,
Certatimq; diem venit Urbs cultura facratum.

Sed primùm ad Delubra ruunt, Arasq; frequentant,
Et pendent toti divina Docentis ab Ore;
Cordeq; devoto mittant ad fidera Vota,
Vota quibus DUCIBUS nil non cœleste requirunt.

” Ipse VVITICHINDUS, tribuit cui CAROLUS auspex
Nomina SAXONICI DUCIS; atq; Hoc Stemmate, BRUNO,
” Qui fatus: ALBERTUS Romani Dextra vocatus
Imperii; atq; olim Terror MAURITIUS Orbis,
Et RELIQUI quotquot MANES, JANIq; GEORGI,
MARCHIONESq; DUCES, DIVI longo ordine PATRES,
” Hocce revivifcunt quorum decora alta NEPOTE,
Desuper è Cœlis Capita exferuere Verenda
” Spectatum SPONSUM, facris ex Osibus ortum
Ultorem Stirpis, qui Gentem instauret avitam.

Atq; LUTHERIADES, Cœlo pleniffimus olim,

Mosi par Zelo, Tharsensi congener Ipsi,
Teuto, Propheta tuus, Cœli de fornice spectat
Gratatum nobis de Religionis Amore
JESU prognatæ, depuratæq; Luthero,
QVO ferret PRINCEPS Fidei, & Fidentis Asylum:
CHRISTIAN-ERNESTUS, Res & Christjana per Illum
Floreat & vigeat, vigit ceu Sangvine AVORUM:
Dixit, & ingeminat votum triplicatq; petitem.

Et CRUCIGER Tibi Apex Templo succlamat ab Ipso
Vota, quibus Cœlum flagrantia corda fatigant,
Non liquidis solum fidibus; sed voce sonorâ
Quæ Litui sonitum superat sonitumq; Tubarum.

Exin sacra DEO postquam fecere, revisunt
Gaudia conjunctis animis, Geniumq; salutant.
Alma Ceres, Liberq; sinu Bona divite fundunt,
Heroesq; parant longis Convivia Mensis,
Instaurant Epulas certatim, atq; indole FRATRUM
Crateras læti statuunt & Vina coronant.

Ignipotens mirâ arte rotat Fulgetra sub Astris
Noctu Vulcanus, liquidamq; è sulphure glebam
Evomit, & varias (visu mirabile) Formas
Eructat, velut ex Ætnæ Liparæq; caminis,
Lætificisq; Illas flammis per sidera librat.

Heic, qui fortè velit celeri certare Sagittâ
Ex Arcu, & missis contendere in aère Telis
Plumbatave velit pugnam committere glande,
Tros Rutulusve fiet, modò Civica Fœdera mittant,
Hospitibus facile admisissis admittitur Hospes;
Illic Heroës glomerant Certamina misti
NOBILIBUS, longo redimunt qui stemmate Famam,
Et pariter propria & Majorum laude superbi:
Non mora, non requies, subito concurritur, inq;
Quolibet ancipitis Certaminis æstuat Ardor.
Fallor? an in Circo natos ad bella videmus
Fervere Cornipedes, suspensaq; volvere crura,
Et librare pedum alterno vestigia passu?
Cernis, ut inflammet popysma, potirier auro,
Sessoremq; dari Victorem: At cœtera Pubes
Sistitur: atq; sibi loca convenientia quarit.
Et quis fando potest Fabricas, Operasq; fabriles,
Aut hilares Oculorum Epulas, Spectacula miri
Nominis & Numeri, dederit quæ Inventor Epæus,

Expri-

Exprimere? haud centum resonent si vocibus ora,
Multifidusq; ruat centum per pectora Phœbus.

Singula Magna equidem: Ast toto Tibi gratius Orbe
Hæc præter MUNUS contingit: Amabile MUNUS
SAXONICAE RUTAE: Formæ Spectamen, Amatrix
Virtutum: Mysia Nympharum Heroa Virago
Unica, MARCHIONI Dextram quæ jungere gestit,
Et Ducis esse Boni Coniunx; Ipsa Optima PRINCEPS,
ERDMUTH Corde humilis; Cœlesti Mente SOPHIA;
HEROIS talis, vix qualis amabitur Ulli.
Scilicet agnovit Divorum à Sangvine Gentem,
Virtutesq; pias, quæ Mens Heroa coruscet,
Ante Rosasq; alias fruges exhalat Odores.
Hinc Fax igneolis succrevit Amoris Ocellis,
Lata per amplexus haud ut Ducis ire negarit,
Deduxitq; Manu, Solioq; excepit Avito.
ILLA Tibi RUTAE DE GERMINE plectile SERTUM
Consecrat exsuperante, Orbis quas educat, Herbas.
SAXONICORUM etenim Rutata Insignia REGNUM.
Accipe, quod tradit Jova Heroina VOLENTE!
Accipe SAXONICAM RUTAM, quæ DRESDA coronat!
Grata Tuis Oculis RUTA est, *Celsissime Princeps,*
Exhilaratq; Oculos pulcrum Hoc Generamen Ocellis,
Aspectuq; suo Tua lucida Lumina pascit:
RUTA virens arcet perimitq; comesta Venenum:
RUTA virore suum gerit Immortalis honorem,
Nec folium RUTAE brumalia tempora lædunt.
Nomine vel Solo hoc potes immortalis haberi.
Nam magna utilitas RUTAE, Vis maxima RUTAE EST.
Ergò *Ministerium nostrum* de pectore tantos,
Ceu jubet Eusebie, gratari gaudet Honores.

22 SALVE! Connubio Magnæ utere Principis HEROS
felix; Connubio Magni utere Principis æquè
HEROIS! Majorum Biga propage creata
Hectoreâ, Seros ô digna videre Nepotes,
Et Pylios æquare dies & flore senili
Fato præscriptas Ævi transcurrere Metas!
Edite GERMANOS VOS HECTORAS, edite ACHILLES!
Vobis MARCHIONES Germania nostra renasci
Cernat! Spes animate novâ Spe Gentis, in hoc se
Summa omnis Voti consumit! Crescat Uterq;
Qualiter enodes perhibentur crescere Cedri!

SALVE

» SALVE SAKO Pater Patriæ! Tu JANE GEORGI,
 Semideos inter, totum Virtutibus Orbem
 Complens egregiis Cælo Te laudibus infers
Romani Imperii Septem-Vir & ampla Columna!
 Nunc TUA, REGINAEQ; TUAE nunc Sola VOLUPTAS
 Fido Arces Patrias HEROIS Amore relinquit:
 Ergò vive SOCER, GENEROQ; patrante Secundi
 Indue nomen AVI trieteride terq; qvaterq;!

» SALVETO generosus Amor; SACRA NOMINA FRATRUM:
 HEROUM palmare Decus, qvò Solis ab Ortu
 Solis ad occasum fert Gloria, Dextra JEHOVAE
 Principibus VOS HIS æterno Fœdere nectat,
 Fœdere perpetuis Adamante tenente Catenis!

» SALVE JANE GEORGI Animis & Corpore, RUTAE
 Mascula Spes, Mysiæ gentis magnum INCREMENTUM!
 Vive diu, atq; pio cum PRINCIPE Fœdera pange,
 Fœdera, quæ feros maneant qvoq; salva Nepotes!

Qvi prior est Cælis, magnæ fundamina Terræ
 Qvi posuit, circumq; illam Neptunia regna;
 Et Christus Patris Suboles, primusq; Salutis
 Inventor, Patriiq; Deus reparator Olympi,
 Adstite Cælesti Vos Flamme protegat OMNES
 Æternùm servans Cæleste LIGAMEN AMORIS!
 Illo nostra SALUS quia RELIGIOQ; FIDESQ;,
 Magnum post JOVAM, solùm Tibicine fulta est.

» TANDEM da veniam PRINCEPS, si Buccina Laudis
 Non sumus apta Tuæ: ne dedecoriq; probroq;,
 Exiguis verbis qvò vilis Musa molesta est,
 Veritas Confessis: Tantis perstringimur Astris
 Et jam visus hebet pavidis. Te Nubibus abde,
 More Deùm. Verum, si fas est, denuò vultum
 Exsinua paulum Nimbo, dignareq; dextro
 Nos puncto dicens: PIETAS Spectata meorum est.

F I N I S.

ULB Halle 3
004 788 842


WDA





A. 3, 18.

Vc
2531

ILLUSTRIS THALAMUS
SERENISSIMI AC CELSISSIMI PRINCIPIS
ET DOMINI

DN. CHRISTIANI ERNESTI,

Marchionis
Prusiae, Stetini P
& Jäger

Magdeburgensis,
in Silesia Crosnae,
Principis

SERENISSI

PIS-VIRGINIS

DNÆ

OPHIÆ,

D
Europæ
SERENIS

ONT.
parabilis,
PRINCIPIS

DN.

ORGII,

HUJ
Ducis SAXO
Romani Imperii
Marchionis
burge

CUNDI,
antiumq; Sacri
idgravii Thuringia,
rggvavii Magde-
Domini

SER

ONSUS

Fride

neol. D.



BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(BAALLE)

